

## 8. gr.

Breytingar á skipulagsskrá Minningarsjóðsins við Menntaskólann á Akureyri eru háðar samþykki allrar sjóðsstjórnar.

Leita skal staðfestingar dómsmálaráðherra á skipulagsskrá þessari.

Menntaskólanum á Akureyri,  
27. nóvember 1989.

**Jóhann Sigurjónsson,**  
skólameistari.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

*Dóms- og kirkjumálaráðuneytið, 14. desember 1989.*

F. h. r.  
**Jón Thors.**

Fanneý Óskarsdóttir.

## SKIPULAGSSKRÁ

fyrir Vísindasjóð sérfræðinga á háls-, nef- og eyrnadeild Borgarspítalans.

## 1. gr.

**Heiti sjóðsins.**

Sjóðurinn heitir Vísindasjóður sérfræðinga á háls-, nef- og eyrnadeild Borgarspítalans. Heimili og varnarþing er í Reykjavík.

## 2. gr.

**Hlutverk sjóðsins.**

Hlutverk sjóðsins er að efla vísindalega starfsemi og rannsóknir (sérfræðinga) á sviði háls-, nef- og eyrnalækninga.

## 3. gr.

**Stofnfé sjóðsins.**

Stofnfé sjóðsins er kr. 300 000,00 sem eru frjáls framlög fyrirtækja. Ekki má skerða stofnfé sjóðsins.

## 4. gr.

**Tekjur sjóðsins.**

Tekjur sjóðsins eru fjárframlög frá lyfjafyrirtækjum eða öðrum sem styrkja starfsemi sjóðsins á hverjum tíma, vaxtatekjur og verðbætur.

## 5. gr.

**Úthlutunarreglur sjóðsins.**

Stjórn sjóðsins úthlutar styrkjum úr sjóðnum.

- a) Til ferða á sérfræðiráðstefnur.
- b) Til einstakra rannsóknarverkefna.
- c) Til tækjakaupa.
- d) Til sérstakra verkefna.

Sækja skal um styrki úr sjóðnum til stjórnar sjóðsins. Við úthlutun styrkja skal stjórnin m.a. taka mið af vinnuframlagi styrkþega.

6. gr.

**Aðrar greiðslur sjóðsins.**

Sjóðurinn greiðir Borgarspítalanum 10% af árlegum tekjum sjóðsins og skal því framlagi sérstaklega varið til kaupa á tækjum fyrir háls-, nef- og eyrnadeild Borgarspítalans.

7. gr.

**Stjórn sjóðsins.**

Stjórn sjóðsins skal skipuð 3 aðal- og 2 varamönnum, sem taka sæti í forföllum aðalmanna. Stjórnina skal kjósa á aðalfundi sjóðsins til eins árs í senn.

A.m.k. tveir stjórnarmannanna skulu vera úr hópi sérfræðinga á háls-, nef- og eyrnadeild Borgarspítalans.

Stjórnin skiptir sjálf með sér verkum.

8. gr.

Stjórn sjóðsins er í fyrirsvari fyrir sjóðinn, sér um fjárvörslur hans og úthlutar styrkjum úr sjóðnum.

9. gr.

**Aðalfundur.**

Aðalfundur sjóðsins skal halda fyrir lok marsmánaðar ár hvert. Á aðalfundi hafa eingöngu sérfræðingar á háls-, nef- og eyrnadeild Borgarspítalans atkvæðisrétt.

Til fundarins skal boða með auglýsingu með minnst viku fyrirvara.

Dagskrá aðalfundar skal vera:

- a) Skýrsla stjórnar.
- b) Reikningar sjóðsins.
- c) Kosning stjórnar og varastjórnar.
- d) Önnur mál.

10. gr.

Reikningsár sjóðsins er almanaksárið.

Reikninga sjóðsins skal endurskoða af löggiltum endurskoðanda.

11. gr.

Tillögu um að leggja sjóðinn niður eða breyta skipulagsskrá þessari er aðeins hægt að gera á aðalfundi og þarf til þess samþykki 2/3 hluta atkvæðisbærra fundarmanna.

12. gr.

Verði sjóðurinn lagður niður, skulu eigur sjóðsins renna til Borgarspítalans.

13. gr.

Leita skal staðfestingar dómsmálaráðherra á skipulagsskrá þessari.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

*Dóms- og kirkjumálaráðuneytið, 14. desember 1989.*

F. h. r.  
**Jón Thors.**

*Fanney Óskarsdóttir.*